



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Archiepiscopatus de littera T. cap. XXXII.

**urn:nbn:de:hbz:466:1-38372**

## Archiepiscopus de litera T.

*Tharantasienses in Burgundia. Cap. XXXII.*

Omnis Edoardus, Philippi Pedemontium Principis filius, ex Monacho Benedictino, Abbate Secusiae, & Sedunensi Episcopo ac Bellicensi, Metropolitanae Tharentasiensi Ecclesiae praepositus, ab ea demum ad Cardinalatus dignitatem ascendere meruit. Obijt anno 1390. mense Februarii, Musterii sepultus. *Pingonius in Arbore Sabaudica, gradu 22.*

*Toletani, in Hispania.*

1 Sanctus Bernardus, Gallus, Agenensis, de oppido Saluiate, Monachus S. Aurentii Auxitani congregationis Cluniacensis; deinde Abbas Sanctorum Facundi & Primitiui in Hispania: Toletum Ciuitate, de manibus Maurorum, ab Alphonso VI. Rege Castellae & Legionis, recuperata, eodem petente, primus Archiepiscopus Toletanus, totiusque Hispaniae Primas, ab Urbano Papa II. & Monacho, creatus; consecrationem accepit anno Domini 1095. die, decimoquinto calendas Ianuarii, Rege, Regina, ac vniuerso Populo praesentibus, & electionem eius approbantibus. Sedit in Pontificatu annos 44. quo temporis spatio rem Ecclesiasticam mirabiliter auxit, populum sibi creditum sua doctrina in fide confirmauit, exemplo suo multos adiuam veritatis reduxit, & tadem bonis operibus plenus, & miraculis coruscus, in Christo obdormiuit anno Domini 1139. quarto nonas Aprilis, inter numerum Sanctorum relatus. *Rodericus Toletanus, de rebus Hispaniae, lib. 7. c. 4. & lib. 6. c. 24. 25. & 27.*

D. Ferdinandus Couaruuius Abbas, ordinis Sancti Benedicti, Sanctio a Mauris occiso anno 1275. eidem in Archiepiscopatu succedit, praesuitque annis sex; sed postea a Summo Pontifice amotus, Gonsaluo locum cessit. *Io. Mariana de reb. Hisp. lib. 14. c. 1.*

*Tolosani in Gallia.*

Sanctus Siluinus, Gallus, Tarnanensis, Monachus caenobii Diui Bertini in pago Audomarensi, & deinde Archiepiscopus Tolosanus, uir admiranda sanctitatis: obiit anno Domini 715. in Monasterio Alciacensi, quod S. Siluini uocatur, die 17. Februarii; cuius corpus quiescit in S. Bertino. *Molanus in indiculo.*

Sanctus Erem-



Sanctus Erembertus, uel Herebertus, Gallus, Monachus, & Abbas Monasterii Fontanellæ, & Archiepiscopus Tolosanus; uir doctrina, & conuersatione ualde honorabilis, cuius sanctitas multorum miraculorum testimonio noscitur approbatâ, a morte inter sanctos referri meruit. Obiit die trigesimo Aprilis. *Tritt. lib. 4. c. 229.*

D. Durandus de Bredon, Gallus, Monachus Monasterii Cluniacensis, deinde Abbas Molyacensis, & ad extremum Archiepiscopus Tolosanus, sua doctrina egregie uineam Domini expurgauit, & in conuersatione sua, populis suis, religionis exempla monstrauit. *Chronicon Cluniac. MS. & Trittemius, lib. 4. c. 247.*

*Tranenses, in Apulia.*

D. Cosmus de Melioratis, Ursinus Romanus, Monachus, & Abbas cœnobii S. Mariæ de Farfa, creatus Archiepiscopus, & S.R.E. Card. a Sixto Papa III. anno 1480. sequenti diem obiit, undecimo calendas Decembris, in suo Monasterio sepultus. *Franciscus Sanseuinus lib. 1. Illustr. uir. Familia Ursina, & Panuin. in epitome Pont. Rom.*

*Treuerenses in Germania.*

Sanctus Nicetus, siue Nicetius, Monachus, & Abbas Sancti Maximini Treuerensis, Archiepiscopus creatus, officium suum strenue, ac diligenter executus est, in tantum ut ipsi Regi Clotario, terrori esset; a quo tandem in exilium actus, postmodum a Sigeberto Rege reuocatus, cum gloria & honore suæ sedi restitutus est. Migravit a sæculo anno Domini circiter 570. uel paulo post, & in Monasterio suo S. Maximini sepultus est, die Calendarum Octobris, cuius sepulchrum diuinis miraculis illustratur. *Gregorius Turon. de uita pat. c. 17. Petrus Cratepolius de episcopis Germania, & alij.*

56 Sanctus Bafinus, Austrasius, Gallus, Clodulphi Ducis Austrasiæ filius, Monachus, & Abbas S. Maximini, Treueris, Archiepiscopus factus, nobilitatem generis, fide & bonis moribus exornans, omnibus prodesse, & nemini nocere studuit; & tandem miraculorum gloria illustratus, uolauit in cœlū, die quarto nonas Martii, Floruit anno Domini 640. *Trittemius lib. 4. c. 70. & alij.*

57 Sanctus Luthuinus, siue Luduinus, uel Loutuinus, Austrasius, Gallus, Geruini Lotrechii Ducis filius, Clodulphi Austrasiæ Ducis ex Gunza filia, & S. Bafini ex sorore, nepos, monachus, & Abbas Monasterii Mediolacensis, quod ipse propriis sumptibus in confinibus Austrasiæ, quæ nunc Lotharingia, super Saroam flumiū, in diœcesi Treuerensi, construxerat, in eo quæ uitam postmodum duxerat monasticam, Auunculo suo immediatè succedens, sua sapientia



ctissima conuersatione, & religiosa uita, multos dispersos greges ad caulas reuocauit. Obiit tertio calendis Octobris, et albo Sanctorum adscriptus est. Claruit anno Domini 670. uel circa. *Trittemius, lib. 4. c. 72. & alij.*

59 Sanctus Hildulphus, siue Hidulphus, Monachus, Archiepiscopus, fauore Pipini Fraciae Regis, creatus, inter multa bona quae operatus est, Monasteriorum aedificationi operam dedit: & in primis coenobium S. Maximini, iam uerultate penè collapsum ex integro restaurauit, & tantum reddituum reliquit, ut sufficeret centum monachorum alimentacioni. Tria itidem alia monasteria in saltu Vosagi construxit, in quorum uno, Episcopali cura relicta, Abbas effectus, in eodem ad mortem usque miraculis claruit. Obiit quinto Idus Iulij, & in Monasterio suo sepultus est. Vixit anno Domini 750. *Trittemius lib. 4. c. 74. & Cratepolius, & alij.*

60 D. Viomadus, monachus, & Abbas S. Maximini Treueris, Archiepiscopalem dignitatem sua prouidentia, exornare studuit, & multa ad eam rem pertinentia, a Pipino & Carolo Regibus, quibus erat percarus impetrauit. Floruit eorum temporibus & uiuebat adhuc anno Domini 808. *Trittemius lib. 4. c. 77.*

61 D. Richboldus, monachus, & Abbas monasterii S. Dionysii Mediolacensis, Viomado surrogatus, in ecclesiastica gubernatione strenuè admodum se gessit: Floruitque ut ex ratione temporum appareret anno Domini 812. *Trittemius lib. 4. c. 79.*

62 D. Vuasso, monachus & Abbas S. Dionysii Mediolacensis, ut Richboldo in regimine Abbatiae successerat, ita & Archiepiscopatu succedere meruit, circa annum Domini, ut temporis ratio probat, 820. uel paulo post. *Trittemius lib. 4. c. 80.*

65 Beatus Hamularius fortunatus, Gallus, monachus Luxouienfis in Burgundia, & S. R. E. Cardinalis creatus anno 830. postmodum Vocuando praefule mortuo anno 835. Archiepiscopus renūciatus, fuit in ea potestate annis plus minus. 16. Vir fuit, doctissimus, & ad regimen Ecclesiae aptus & idoneus. Obiit non sine opinione sanctitatis anno Domini 851. *Trittemius lib. 4. c. 82. Belforest. & alij.* De nominis eius uaria pronunciatione, lectio neque legitima, uide Hittorpium in prolegomenis ad scriptores de diuinis officiis.

66 D. Hetti, siue Hittus, monachus, & Abbas Monasterii S. Dionysii Mediolacensis, creatus anno Domini 851. quem Trittemius mortis eius computat, praefuit Ecclesiae annis 37. Vir deuotus & pius cum esset, diuina reuelatione admonitus, ossa S. Castoris de Carden,



den, transfuit in Confluentiam, ubi adhuc requiescunt. Obiit bonis operibus cumulatus anno domini 884. & in Monasterio S. Matthei extra Treuerim sepultus est. *Tritemius lib. 4. c. 83.*

67 D. Bertolphus, monachus & Abbas S. dionysii Mediolacensis, Archiepiscopali dignitate ornatus, in locum Hetri, Ecclesiasticæ libertatis, & immunitatis acerrimus defensor extitit, & anno 895. regiminis sui undecimo diem obiit. *Tritemius lib. 4. c. 90.*

68 D. Rabodus, siue Rathotus, monachus ipse & Abbas Monasterii Sancti dionysii de Metheloch, seu Mediolacensis, ecclesiæ Treurenensi anno 895. prælatus, sua potentia, & virtute Ecclesiam suam multis bonis temporalibus nobiliter ditauit. Suo iussu Regino Prumiensis Abbas, duos libros decretorum edidit, quos, de Christiana religione prænotatos, eidem dedicauit. Obiit circa annum domini 900. *Tritemius lib. 4. c. 94.*

*Turonenses, in Gallia.*

D. HILDEBERTVS, Gallus, monachus cœnobii Cluniacensis, & S. Hugonis Abbatis discipulus, ex Episcopo Cœnomanense, creatur Archiepiscopus Turonensis circa annum domini 1106. Vir fuit illustris, & deuotissimus, & poeta sui temporis non cõtēpnendus. Scripsit eleganti metro ualde pulchram, & uilem expositionem,

Super toto missæ officio, lib. 1. Hic excusus est Veneriis in 8. anno 1572. in speculo missæ, & Romæ cum aliis scriptoribus de officii diuinis in folio.

De suo exilio, lib. 1. Nuper eram locuples.

De miseria huius uitæ, lib. 1.

Epistolarum, Hymnorum, Orationum, & Epitaphiorum, li. 1.

De vita S. Hugonis Abbatis Cluniacensis magistri sui, lib. 1. qui est Cluniaci. MS.

D. SYMON de Maille, Gallus, monachus, & Abbas de Loroux, creatus anno domini 1560. ut refert *Belforest. in Cosmographia, cuius tempore adhuc uiuebat.*

*Tyrienses in Syria.*

1 D. GVLIELMVS, Anglus, monachus, & Prior Monasterii Sacri Sepulchri Hierosolymis, creatus est primus Tyri Archiepiscopus, circa annum domini 1130. Obiit autem anno 1135. regiminis sui. *Gul. Tyrius lib. 13. c. 23. & lib. 14. c. 11.*

2 D. FVLCHERIVS, Aquitanus, Gallus, ex canonico regulari, monachus & Abbas Monasterii Cellæ nouæ, deinde monachus S. Sepulchri, postmodum Gulielmo substitutus, annis 12. illam prouinciam



ciam administravit, a qua ad Hierosolymitanam transiens, tandem obiit anno 1158: *Tyrinus lib. 1. c. 11. & lib. 16. c. 17.*

### Archiepiscopatus de littera V.

#### *Viennenses in Gallia. Cap. XXXIII.*

**S**ANCTUS Cadeoldus, alias Cadoldus, uel Caldeolus, siue Landalenus, monachus, & Abbas Monasterii Grimaniensis in ciuitate Vienna, in omni sanctitate plebem sibi commissam gubernauit, multorumque pater cenobiorum fuit, & concilio Cabilonensi prouinciali, anno 658. celebrato interfuit, cui & subscripsit. Vixit tempore Clodouei secundi, Regis Franciæ. Obiit decimonono calendas Februarii. *Auctor uitæ S. Clari Abbatis, apud Surium die primo Ianuarij.*

D. GVIDO, Burgundus, Gallus, Gulielmi Burgundiæ Comitis filius, monachus Monasterii de Falleri in Gallia, in officio sibi commisso, ita se laudabiliter gessit, ut Gelasio Papæ II. in monasterio Cluniacensi defuncto, dignus fuerit succedere, anno domini 1119. *Hieronymus Plata de bono status religiosi lib. 2. c. 28. & alij.*

#### *De quibusdam Archiepiscopis, qui Archiepiscopatu relicto ordinem Diui Benedicti Nigrorum ingressi sunt. Cap. XXXIIII.*

**A**RCHIEPISCOPVS quidam Consentius, a Rogero Siciliae Comite Archiepiscopatu deiectus, & monachus Casinensis effectus, non longe post Paschale Papa II. & Abbate Casinensi permittentibus habitum reiecit. *Chron. Cas. lib. 4. c. 51.*

S. AMATVS, Gallus, XXI. Senonensis, Archiepiscopus anno regiminis sui 13. Christi 685. ab Ebroino Magistro Equitum in exilium pulsus, ad S. Maurontum confugiens habitum sanctæ religionis in cœnobio Broylo de manibus eius suscepit, a quo & fratribus Abbas datus, in sanctitate diem clausit anno 690. die 13. Septembris. *Auctor uitæ eius apud Surium tomo 5.*

S. GISLENVS, Atheniensis Græcus, monachus Basilianus, & Athe-